

ZORTZIGARREN ORDENANTZA FISKALA

IBILGAILUAK IBILGETU, KROKATU ETA BIDE PUBLIKOTIK ERRETIRATZEKO ZERBITZUA ESKAINTZEARI DAGOKION TASA, HALA NOLA, HORIEK UDAL LOKALETAN EGOTEARI DAGOKIONA

I. ARRAZOIA ETA IZAERA

1. Artikulua.- Bizkaiko Lurralde Historikoko 5/89 Foru Arauak, Ekainaren 30ekoak, horrek arautzen baititu Toki Ogasunak, emandako ahalmenak erabiliz, Udal honek Bide Publikotik ibilgailuak erretiratu eta biltokietan gordetzeko zerbitzua eskaintzeagatik Tasa ezartzea erabaki du.

II. ZERGAPEKO EGITATEA

2. Artikulua.- Tasaren zergapeko egitatea honako hau dela ulertuko da, hau da, udal zerbitzuak eskaintzeagatik beharrezko diren baliabide pertsonal eta materialak erabiltzea, ibilgailuak ibilgetu, kroatu eta bide publikotik erretiratzeagatik, hala nola erabakiko diren biltokietan gordetzearren sortutako lanei aurre egiteagatik, hori egingo da bestalde, zirkulazioko arauak hausten direlako edo ibilgailua abandonatu egin delako arrazoiz zirkulazio librea eragotzi, oztopatu edo horri traba egiten dionean.

III. SUBJEKTU PASIBOA

3. Artikulua.- Tasa hau ordaintzeko obligazioa izango dute solidarioki, ibilgailuen edozein titulu izanik horien jabe, erabiltzaile edo edukitzaile denak, baldin eta horrek udalaren partehartzea eragiten badu.

IV. ZERGAREN KUOTA

4. Artikulua.- Zergaren kuota, hurrengo tarifaren arabera izango da:

a) Bide publikotik erretiratzeagatik	110,00
B) Ibilgailuak gordetzearren, eguneko	10,00
C) Garabiaren zerbitzuagatik, hori gauzatzen ez denean, gidaria bertan egotearren	65,00
D) Ibilgailua ibilgetzea	34,00

5. Artikulua.- Tasa, zerbitzua eskaintzen hasten den momentutik, sortuko da.

VI. KUDEAKETAKO ARAUAK.

6. Artikulua.-

1.- Udalak auto-kitapeneko sistema bidez galdatuko du tasaren ordainketa. Ondorio horietarako, subjektu pasiboak dagokion autokitapena aurkeztu beharko du Udal Administrazioak emango dion ordainagiria beteaz, eta Udal Biltokitik ibilgailua erretiratu aurretik, Udaltzaingoaren Bulegoetan horri dagokion zenbatekoa ordaindu beharko du.

2.- Tasaren ordainarazpen kasuan ere Udalak tasa horren ordainketa autolikidazio sistema bidez galdatzen du, ibilgailua benetan erretiratua izan ez den kasuan, 4. artikuluan aurrikusitako c) tarifan aurrikusita dagoenaren arabera. Ondorio horretarako subjektu pasiboak Udaltzaingoko Agenteak emango dion inprimakian egindako autolikidazioa aurkeztuko du eta dagokion zenbatekoa egintza berean ordainduko du, eta hori, zerbitzua eskaintzeko arrazoia eman duen ibilgailua haren eskuetan jarri aurretik egin beharko da.

VII. SALBUESPENAK ETA HOBARIAK

7. Artikulua.- Ibilgailu lapurtuek ez dute tasarik ordaindu beharrik izango, baina inguruabar hori egiaztatu egin beharko da, hain zuzen ere, arrazoi horregatik jarritako salaketaren kopia aurkeztuz.

VIII. SARRERAK

8. Artikulua.- Tasa ordaindu arren, horrek ez du libre uzten bat, zirkulazioko arauak edo Hiriko Poliziaren arauak haustearren legezko zehapenetatik.

IX. HAUSTEAK ETA ZEHAPENAK

9. Artikulua.- Zergari buruzko arauhauste eta horien gaineko kalifikazioari dagokionez, hala nola horien gainean kasu bakoitzean jarri beharreko zehapenei buruz, Bizkaia Lurralde Historikoko Zergari buruzko Foru Arau Orokorreko 186. artikuluan eta ondorengoetan xedatua dagoena hartuko da kontutan.

AMAIERAKO XEDAPENA

Ordenantza hau behin betiko onetsi da, eta egin zaizkion aldaketekin batera, 2008ko urtarrilaren 1ean indarrean sartuko da, eta indarrean egongo da, hori aldatu edo indargabetzea erabaki arte.

(Udalbatzaren erabakiz aldatua, 2008ko irailaren 25eko osoko bilkuran.)

(Udalbatzaren erabakiz aldatua, 2012eko azaroaren 19eko osoko bilkuran.)